





第一二六九册

四庫全書

●上海古籍出版社

本冊目次

少 苑 東
附 洲 洛 谷
初
錄 稿 集 集

明 鄒善夫撰……………一
明 韓邦奇撰……………三三
明 夏良勝撰……………七一

第一二六六冊

欽定四庫全書

集部

少谷集卷一下

詳校官庶吉士_臣李如筠
中書_臣劉源溥覆勘

總校官知縣_臣楊懋珩
校對官編修_臣沈清藻
謄錄監生_臣黃巨鵠

欽定四庫全書

集部六

鄭少谷集

別集類五明

提要

臣等謹案鄭少谷集二十五卷明鄭善夫撰
善夫字繼之閬縣人弘治十八年進士授戶
部主事改禮部以建言廷杖尋乞歸用薦起
南京刑部改吏部郎中事蹟詳明史文苑傳
善夫在弘治間不襲何李緒論別開生面盤

欽定四庫全書

少谷集

空硬語往往氣過其詞雖源出少陵實於山
谷為近集中感時之作激昂慷慨寄托頗深
或病其時非天寶地遠拾遺為無病而呻然
正德時奄豎內訌盜賊外作詩人蒿目未可
謂之無因朱彝尊靜志居詩話云少谷詩有
獨立不遷之概當時孫鄭並稱孫非鄭敵朱
鄭並稱朱非鄭匹孫謂孫一元朱謂朱應登
也今以二家之集參觀彝尊所論為允矣乾

隆四十六年正月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

少谷集

欽定四庫全書

少谷集卷一上

明鄭善夫撰

騷

汎太湖望洞庭

太湖風兮白波膽望洞庭兮森雲蘿櫨杜蘅兮水中吊
范蠡兮山阿目盈盈兮不極美人遠兮奈何渺予懷兮
夕陽聽不可兮吳歌

欽定四庫全書

少谷集卷一上

鳳山辭

義興杭世卿厥父省齋厥母王將即于鳳山故
宅為作鳳山辭一闋

夫唯山之效美兮紛衆萬之淑祥有振振之令鳥兮綢
采采之文章涓高梧以營室兮口卒瘡而周皇殷九苞
之未誕兮軒遠翥而求鳳陸海邈其伏陰兮屏爾類以
自臧大網結于中野兮二苞格而鳴岡從阿閣于戾止
兮披晨曦之耿光嘒祿運之倏窮兮翳冲漠而遙翔奇

氣宕于六天兮毛衣委于故邦羣鷗侶以自邁衆息下
其如僵苟靈先之弗泯雖捐性其奚傷諱曰予悲夫雲
和之曲卒不續兮顧此鳥之永遺豈四靈之不有兮世
蓋溷之以蠅蜨與螽斯

賦

大風賦

繫大塊之噫氣兮駭獨蘊此颶風蓬蓬而起於北海兮
乃震蕩乎四窮磴礧礧如雷霆之行地兮萬鳥噪而不

欽定四庫全書

少谷集
卷一上

二

集神龍孽螭赫然怒兮霖雨沛其來下使海水而立雪
山兮何舟楫之能持神禹之不可思兮令陽侯而不來
崩龍門而亥峽兮浪滔天而不泄也天地忽而變此容
色兮將何物而不折也哀萬物之蕭殺兮夫誰而能遁
之何皇天之好生兮漠乎余將問之東園之樹兮爾自
令其蕭條小者折而大者傷兮豈天命之已當飛砂走
石兮日慘慘而無光氣矇矓而不長兮余蓋疑此洪荒
昔堯舜之在上兮乃令九年之洪水將聖明之撫運兮

亦丁乎歷數之陽九惟德弭變兮念天心之至仁神武
之誅暴兮氣至極必溯而四出凜霜冬沍兮中實藏此
陽春余悲乎松筠與桂叢兮實余私之所鍾且日就于
沮傷兮何時蒼鬱而余同亂曰天時有序君子之常若
子齊德備此耿光分外之事余何計量修彼墻屋葺我
室堂天下廣居猗爾樂康

愍竹賦

嘉靖癸未秋日載勝具風破條震蕩適旬余桑

欽定四庫全書

少谷集
卷一上

三

芋園有竹數叢老幹新篁日見凋折余甚悲之
無是君子相殘之應也感而賦之

余索居而寡儔兮卧桑梓於汨濱開三徑以候益兮洵
有志于古之人感杖杜於周詩兮胡賢者之我親樹實
當以終晦兮修孔氏之四隣抱嶢谷之古音兮持至和
以為度垂纍纍之懋實兮鵲苞式其來下篁脩以脫穉
兮具衆美之攸同日比德而連類兮竊獨葆此歲寒何
終風之戒木兮悵獨食此險巖續衝條而折柯兮連宵

斯其不伏何金玉之琅琅兮乃變此殺伐之餘酷皇天
震怒苟罔不摧折兮松栢則介而獨留余悲夫同類之
相攻兮况復值此凜秋麗洵美於三益兮邈前古而則
爾吾清明之內懼兮蓋君子而相詆嗟芝蘭之難榮兮
荆棘麗而附資縱向背之匪同好兮不愈於權蒺之與
叢施諄曰皇天之罔攸好德兮自叢桂而伐之梗楠之
十圍兮風拔之矧此懋節兮非濁世之好也豈細德之
不可崇兮嗟未聞此道也

欽定四庫全書

少谷集
卷一上

四言古詩

古戰場

朝發汾河暮經白溝茫然戰場四時為秋黃雲阨關壯
士不憂拔劍斫地戰骨無收風沙冥冥鴈腰嘯歌鳥飛
不下客行奈何世無鳳麟龍虎鬪爭誰哉弄丸四海解
兵

葛獸二章贈孫太初山人

葛獸葛葛在彼澗濱歲茁九花世人不知秘之頽谷以

俟雲君念彼某施蒼蒼廣津

其二

葛獸青青在彼原隰歲茹九節可以絕粒華滋寂寥爾
乃獨立世無神皇鳳衰麟泣

野田黃雀行

飛飛黃雀集彼榛柯上有驚鳥下有虞羅低飛不可高
飛奈何曷不去此野田有禾鵬雛搖搖隼則制之兔置
織織鴻則罹之龍潛在淵可以全身壤螻不屈何以引
伸朱鳳威垂稠羽是依鷦鷯化之矰弋安施

欽定四庫全書

少谷集
卷一上

梁之石操上揚國老

梁之山兮岳岳其砥石之磐磐興雲及雨膚合之施其
誰弗被立天之中君子不匱天常西虧地亦東潰我不
爾莫曷其有位大皇時行大浸時滋懷貞用敦君子以
幾

夢井歌二章
有引

昨夢井水溢地上甘而潔列於荒墟心惻然也

欽定四庫全書

少谷集卷一下

明 鄭善夫 撰

夢井歌

古曰井水溢施弗窮也甘而潔用適中也潔而不食道弗庸也明王已興而列諸荒已焉哉作

井之京京其出淵淵汜至不繙謂我巨泉楚如暮如我

夢來如寤懷載且維以永戲

其二

井之淵淵晏是用汲王明王明受此戩福潔而不食於井何傷君子之履不遷其方

欽定四庫全書

少谷集卷一上

六

白泉二章贈汪希周

漣漣流泉行彼地中爍為星宿麗爾雲空萬殊之母直遂涵弘賁以正本蒙以養功君子果行玉顯其逢

其二

漣漣流泉灑灑濫觴積為江漢博大以剛彼王者明受福無疆神龍所都厥澍載滂君子利用何往弗臧

少谷集卷一上

五言古詩

飛龍引

採銅鑄寶鼎煉作九還丹服食壽長生長生千萬年白日跨飛龍宸遊上九天如何鼎湖路一去無時還君子貴返終仙術諒非難方士費論說彼心詎能安秦皇與漢武黃土高嶺岼

欽定四庫全書

少谷集卷一下

遊莆中麥斜巘

陵坡回嶼風樛枰淨如沐戒言尋浩渺聊以散沈鬱况茲二月半芳草萋以綠青霞媚遙天烏巾入殊俗巘崎麥斜巘幽人有高足懷賢招艾軒探真小樵谷世緣夙已斷碧巘不可辱君看南昌尉去去從所欲

其二

麥斜何蘄蘄茲遊愜心魂石洞入窈窕不說桃花源白

雲走平地崙岡亦崩奔松篁翳重陰境幽判寒暄天關
手可摩始覺所歷尊赤城去不遠玉禾行當蕃相期馬
子微於此採靈根

登雲居山二首

貪清不自愛歷歷疎遠目緬懷雲居勝駕言陟層曲樛
料遁斧斤岐徑積撲檄雲棧紛當心不敢輕落足捫枯
驟戰兢披荆逾匍匐厄羸無奈何况復迷淩谷雖無藥
華警詎測蜺虹伏少馬青霞深轉思白日速山海信偉
欽定四庫全書 少谷集 卷一下

觀何以慰予我行孰驅迫自致窮途哭伯陽不出門

世路了如燭願昭箴子誠或免華山辱

其二

撿奇頭欲改禹穴未得傍忽慕麥斜巘玄境足佳況連
峰削芙蓉石門天下壯買嘗復修纖天聲落屏嶂雲居
獨奇絕遐思愈飛颺以茲發高踪力欲排雲上百息徑
嶮艱一眺極沆泮鷗鷺稅仙驂芝蓀洗凡狀試按山海
圖一一皆不妄雖然羸瘵成已過平生望應悲蜉居子

兀兀坐盆盎吾將從虛教直與雲露抗西凌崑崙風東
薄滄海浪前期邀悠悠拊膺以惆悵

下何嶺

雲居不可升塞型眇天上颯然下何嶺歛若墜青嶂數
日愁險艱及此愛平曠林墟相維亘川原亦排蕩春容
麗華滋百草不相放躊躇谷鳥喧坐失青藜杖山中勝
事繁林叟重揖讓豈無山水癖筋力故莫彊栗里在人
境君子有未尚

欽定四庫全書

少谷集 卷一下

溪上

南行遵溪許流景何楚楚溪毛繡藻繁游魚聚相煦錦
石亦參錯綠髮明可數小者如卧羊大者如伏虎飛湍
所磨蕩兀兀自太古叢薄交深春不但蔚榛楮茲遊倦
登陟到此一延佇況有令主人意氣不為忤擔囊輕百
里一一適我所春花未終極豈即懷故土錦江非不佳
人情薄如楮西遊杜陵老安得免愁苦

復晴趨仙邑

晴光蕩游目一雨山逾碧
脩然戒晨征乃爾騁雙屐
修林靜宿氛故衽沒行跡
僕夫重遠路賤子有奇癖
南循抵仙城北放蘭阪
陌波嶺行有需朋曹意安
極我生無漫游允得就三益

古意三首

蓬門霜雪繁玉顏苦禁當
稍識春風面春風轉斷腸

其二

蠶盛不理粧露采陌上尋
但知織作繁不覺年貌傷

欽定四庫全書

少微集
卷一下

其三

寶鏡皎如月價值千黃金
偏照可憐色不照可憐心

井泉子

客有羅浮君羽衣行翩翩
長揖謝世事鍊性三十春
沈瀝不滿口貌如藐姑神
問道廣成子空同高嶠岫
挂瓢倚樹枝振鳥天風門
闕來弔延陵晤言東海濱
示我紫戶術挺身入層雲
誓將結瑤華引手長相親

子夜吳歌九解贈殷近夫

郎今落海濱儂亦可憐身
不見昌陽草何曾生要津

解儂身不下堂郎居隔江
水雖則隔江水思心日萬里

二解

昔別於何時十載參與商
豈是無所見狼膺夜夜

張三解

夜夜撫素琴惻惻生怨慕
枯桐在膝上梧子在

何處四解

融融四五月婉婉采蓮女
海上無芙蓉誰則

識蓮子五解

低頭摘荷葉舉頭看月光
歸來覓剪刀為

歡製衣裳六解

終日對海棠終夜不成寐
何以不成寐

花開儂獨自七解

登樓看雙星蜘蛛在樓角
綿綿腹中

欽定四庫全書

少微集
卷一下

絲求匹不能得八解

歡去一何久歡來一何晏
來時何

所贈雙雙雲錦段九解

吳中吟二首

出自吳東門遙望姑胥臺
望久無所見回風慘蕩萊
園王志未就神木生劫灰
三復春秋傳英雄使人哀

其二

越女進館娃楚囚落天涯
二物不並立海水漂鷗夷
湛盧南入郢神物竟先知
吳宮八百年旦夕遊鹿麋
緬晤

喪亡主豈盡庸以註

冬日同顧九和殷近夫孫太初顧與成汎太湖

震澤夫何如歲晏意自好天風吹玄冥雪浪入浩淼龜
鼉浮山岳白日搖晴昊洞庭渺林屋流水隔煩惱昔有
綠毛翁於此採玄草風雲白石牀鬼物為持保聞茲長
道念攜臚事幽討平生竹溪逸矧是同懷抱相從捫綠
雲坐聽啟鴻寶終當吸沆瀣去去遊亭藹

江上送殷二秀才

欽定四庫全書

少谷集
卷一下

六

觀子在逆旅失子在歲晏一似南飛鴻一似西歸燕繁
露戾修林終風捷如箭過翼趨所期殊方卒相見物情
異冷煖人事阻華面遲余玉門春子復穴梁殷

元日

東君御征轅玄冥迅回車溫風倏爾至古梅茁其葩桃
戶新受符蓂盤香團芽感此念故里兼之懷年華爰蠅
洽弟兄問歲話桑麻二期走通旅簪紱生嘆嗟坐茲失
初服五內長負病鬼窟有穴狐鳳木亦棲鴉悟機貴在

蚤勿令負雲霞

放舟荆溪尋張公洞不果歸至潯湖起步長橋望

煙景放歌

日晏于東馳騁人復北征鼓舫下荆溪言訪張道陵綠
薄扼事艱意短迴修程稠年戒襟素履茲荒志誠坐令
紫霞居遠隔於青冥所賴潯湖好煙景疏天聲蹀躞
膽眺稍慰滄洲情青鏡不肯私金精幾時營寓形若流
電空懷紫金經

欽定四庫全書

少谷集
卷一下

七

河上送鮑使君

柔風協河洲回颺被泗濱賢軫指玉衡過門不停軸結
交何所將解我雙英藪豈無錦繡段感彼並朽蘧希君
復自愛勿使輶出轍

貧女吟八解

南陽有貧女抱甕立水澳趾短泥潭修挽衣以子于自
言良家息淪躓類草木亦知奉壺範誰與周甕獨一解
甕獨誰與周室中無儲遺閑戶理機杼苦樂中自知揚

聲度昏旦執糟轉無時豈不愛綺羅迺有杼軸悲二解

杼軸曷足悲感往思維谷三年喧格鬪肉骨不可贖非

無好里閭處子有約束失時當告誰甘此守饘粥三解

東隣有發婦宵旦當戶哭良人淹戍邊存否不可卜近

聞邊釁起百萬化魚肉生離云有期死別竟何續四解

西隣亦送女夫婿輕薄兒朝提忘歸矢暮挾青樓姬床

頭合歡被桁上嫁時衣悠悠百年思采菲生怨咨五解

南村有棄婦叢亦誠雖肅夫君心不同入閨轉見逐白

欽定四庫全書

少谷集
卷一下

頭且勿唱綠髮頓空谷榆蒲悴高秋却怨飄風速六解

北里多豪華服御絢與綺張幕集權貴炮熊炙文鯉妙

舞襟燕趙徵歌遍梁楚豈無良寢修妾心自不爾七解

鳳凰棲梧桐下食青琅玕鳴鶴腐鼠但識彼所歡人

情競刀錐豈識達士賢庭槐鳴周周微音向誰宣八解

義鳩篇

端居肅元府永惟玄化機神理固有忒衆萬詎能違翔
植紛總總氣感率有知無論大聖狂咎休固其宜荆茂

于義音烏馴以孝思細德亦鼓物而況鳳與麒麟戒言彼
狡童胡自決德基達人上內植履祥復何疑

贈黃肇三首

終風勁柔條遊子返故鄉兄嫂縶黎羹慈母縫衣裳離
觥載恻惻平旦天一方來忘楚塞遠去覺闕山長

其二

來如秋空羈去似春泥躓春泥何淤沮百足進復却人
情鄉邦好歸客何蕭索室堂雍婉孌殊方信不惡旋飈

欽定四庫全書

少谷集
卷一下

掠檣烏骨肉臨當圻

其三

上林未揖讓廣莫進癘瘴大江不可踰坡陀莽翻蕩入
門報所親何以慰惆悵庭萱綈有永塞鴈宛相望

夏日闕庭見鶴

景風薄梁殿銅雲通玄虛侵星不櫛髮八直承明廬竭
來雙白鶴踰踰下彤除竦身舞飛容揚音結長吁物情
舍所因悲鳴胡為乎曰余覽幽經覩爾情不舒霜毛麗

藻質豈受泥水汚內飫土木氣外有金精數盜泉非吾
顧腐鼠安足圖緬惟玄圃驂過是青田雖言茲非世畜
何以羈此都誤入燕雀網遂被樊籠拘委質太液池昂
藏狎鷗鳬崇朝受餅餌向夕聽傳呼以茲抱懊惋寧復
競盈餘冉冉積年歲賦向盈孟豈無四海心所惜六
翮疎顧惟鷹犬坊豈乏耳目娛矜春有雪衣絕地復的
盧終當返真性去去翔天衢一舉歷五岳再舉遍九區
翛然逐鳳凰下來瑞唐虞此意良不極流光倏于徂麟
傷古亦然聊自遣煩紓

欽定四庫全書

少谷集
卷一下

十

夏日嘆

長嬴何蒼涼大火不烘燬燭龍西北死跋烏東南熾遲
遲凌曾桑忽忽下蒙谷鈞天不敷華葦陰豈全伏金星
似火亦未肝即動角應感陰沴盛轉訝日晷促羲和職
業廢寒暑事反覆麥秋猶寒衣締給未即錄雄風來蓬
蓬慘怛蜚大屋揚霧清晝昏愈覺白日速迅雷不發榮
虺虺振坤軸三時無雨澤何以升五穀螻蟻復不仁延

禍到樸櫟近聞河內外數載茹草木更兼豺虎繁死者

十五六諸公樂安穩羣倖厭梁肉萬姓亦何罪坐使蒙

螫毒以茲和氣乖無怪邊釁踧天人象已顯巖廟計須

熟緬思弘治化歷歷在耳目變理得所司氣候有攸屬

八風率順序五維不愆數廿年宣重光萬國昭玉燭平

路生廣庭寔脯出荒服所以覆幬下老不聞殺戮中遭

屢更變美意尚可掬勛哉柱石翁弘治是龜卜狂夫不

解事豈敢康廩祿倉皇杞人憂凱切麥丘祝但願麗大

欽定四庫全書

少谷集
卷一下

十

明末光普曾曲

題九峯書院

圓象序興沒大道茫消沈瀛伊冥契後作者紛林林石
鼓未榛莽嵩陽亦嶽峯九峰復何如夫子重幽尋結架
雲霞交討求松竹陰探真破衆眩集虛嗣希音川注理
有託物化情迺任鏘鏘廣陵散寫之龍屑琴閉閣綴道
論永為後賢琛曰余早迷誤捷徑坐滯淫竊牀無窮門
浩蕩糾寸心賸言捫囊衣畢志遵所欽

贈潘子四首

俚子習巴唱佳人秦陽春懷仁出湘浦信美乃寡倫心
期不自媚持以奉明若上絃協風吹下絃泣鬼神邊地
霜霰繁剛風凜以辛但恐變商徵指詰不得伸躊躇廣
無下此意難重陳

其二

大道久湮閉王英改波瀾時流習玄默危言伏禍患君
子守貞亮所貴殉世艱嚴霜被廣域朱歲駭前觀嘉卉

欽定四庫全書

少谷集
卷一下

十三

亦摧頽而況草與菅茂子竹柏意慰我檇櫟顏春華諒
峭蒨表之在歲寒

其三

念昔與子別繁霜結崇松猶懷烏石鑣復轉并州蓬昔
也辰避參今茲薦離鴻羣生固無極百齡會有窮平時
所交友昏晝誰則同蘭若向披靡玄曜豈恒中子其保
光惠遠行慰恍恍

其四

浮金肅叢薄黃落樓廣墟念子事孤往煩憂結不舒斤
鷄足蓬蒿鳳凰則高梧諠雅苟不易豈必均所趨志士
貴努力丈夫行棄綯

東海有一士

東海有一士被服雲錦裳饑餐炎洲霞渴吸瑤池漿鶴
馭何翩翩九垓一相羊朝發崗巒野夕憩沈默鄉騰言
與汗漫抗臂窮洪荒九州雖云大視之如室堂紛紛尺
蠖徒看彼鴻鵠翔

欽定四庫全書

少谷集
卷一下

十三

黃伯固

黃郎避世士抱影處空谷擷芳上木末采藻立水渙妙
善難可隣歲暮守幽獨懷姝匪自媚出門重結束風雲
一撫念故術草豐蔀鄙夫附丘阿達者從所欲康樂營
石門知章疏剡曲存道苟不貳豈貽山靈辱

秋夜達王員外時行

涼風升寒節切切充重幃堅冰戒時至鴻鴈明其幾春
滋淨不處秋隼方高飛鑒物沈幽志誰能不懷歸素月

臨丘榛灼灼登圓暉圓暉豈不愛零露沾我衣遲我同
懷子瀉滯尚安之呼琴為子鳴調苦使心連不恨歲載
徂但恨知音稀盈縮本恒理傷哉生別離

初離京邑別諸同志四首

陳車遵城闔振策導廣路仰盼孤雲征俯見流波所感
念平生惟豈以杯酒故羣居不自覺相失增怨慕川河
引舟揖陵陸曠煙霧重艱難可尋努力敷襟素

其二

欽定四庫全書

少公集
卷一下

十四

浮萍戀故波離鳥思故林故林既得期儔侶無遺音與
子共朝夕奚堪更商參山河日以邈霜霰日以深鴻麟
無時至安能訴幽襟晤好諒有時迅節忽載陰願言敦
明德白首慰離心

其三

馳車太行坂北首入楚澤迷途不早悟困頓安所適爵
服載憂患趨者何充斥流俗日向靡胡為重濡跡京塵
復何長不見所緇白凡駘御文輿赤驥且辟易誰能達

衆好共整東山屐

其四

長歌逾薊門凝眸眺崇京陵闕何崔嵬馬行令心忤雖
云返鄉域不獲偕良朋勞勩無勁翮斷鴻有離聲幽期
莫可並沉慮獨拊膺

見蜚鴈

涼風動沙磧朔鴈至紛紛為避陰山雪翻衝楚澤雲嗽
嗽清作韻總總字成文意適稻梁得心驚弋彈聞時縣
出塞夢宵妬下韝勛遠愧青田鶴高飛絕世氛

謁留侯祠

吾慕張子房乃是紫霞客志士有苦心麟趾暫驅策功
隨博浪沙折節下黃石談笑用漢祖畢志任所適神山
逝朱鳳驚鳥空累百

大雪行三茆山中

解束悟服食營慮結山水比聞三峰秀賁惟一來此同
雲布坤維六花漫不止升危滯遐蹤寓目殺高志真源

欽定四庫全書

少公集
卷一下

十五

不可住罔域蕪泥滓居凡殊所厭還丹亦難恃太虛本
宅無彭殤同已矣安得莊生達相與析玄理

遊煙霞洞天

令我忽不樂駕言結遊駒遥望南山木鬱鬱有真意崖
瀑垂素幢谷風擊繁吹洞幽無別踪白雲謁而至猿啼
修衍暗徐閑樛枝墜山精綠羅衣見客宛自媚形遺物
不違真存道匪貳鑒茲決心想去與衆俱棄

贈何仲默

欽定四庫全書

少公集
卷一下

十六

何子生知姿弱齒咏鳳皇垂帷破墳籍一目能十行雅
調走饒謝雄才抗班揚黃鍾一徹虛絲管空鏗鏘陸沉
金馬門卒歲泣麟傷賈生亦逢時杜甫終為郎古來聖
哲士位細非所妨光光大復山後賢永相望

贈近夫

石川山東品童稚只自樹肯探莊老虛終蹈宣尼矩學
街通天人聲華照區宇中年隸宦籍志豈屑軒組挂冠
四五載遜迹謝官府近因避虎豺復出圖三金海邑方

用兵庶務紛蚤聚才閒借寇恂已見思何武吾觀江河
流喧喧惡足數

發越州

生無冠組分碌碌守速遭越南十二月盡室復遠還故
國眇天末扁舟薄言旋閩中地氣暖可免絲與綿舊業
雖荒蕪尚有一頃田他鄉困饑寒胡為重留連且聞江
海熱已不憂荒年此州固信美旅寓豈其然盤飧未易
違薪水亦費錢雖得山水玩顧非貧士便素癖厭人事

欽定四庫全書

少公集
卷一下

十七

况乃居市廛毅然舍此去飄飄御風煙夜泊桐江雲放
歌漁父篇朝登富春山釣臺兩高懸如云迫遲暮頓覺
忘憂煎行復經武夷真詮落吾緣引手向紫霞高招控
鶴仙沈湮亦可飽安能逐鷗鷺踟躕禹跡裏衷情向誰
宣

嚴陵灘

咄咄嚴子陵竟不能下爾迢迢富春山濶濶桐江水渺
渺窮居士皇皇漢天子當年布衣交一旦君臣禮渭川